

濤來漁笛悠揚送征帆次第回桂香凝玉露到  
處有蓬萊

午日宴海角亭

馬應秀

陝西人廉  
營都司

夏至適逢端午日村村聯社競龍舟彩旗移動  
山光繞畫槳傾翻日影流榮戟纔臨蜃氣滅笙  
歌迭奏錦雲浮年來海角多蕭索此會風情迥  
不侔

依韻海角亭落成

劉世貴

四川人署  
乾體遊戎

名蹟將墟今復振山光水色一番新凭欄索賦



還初地載酒看花訪故人  
虛殿欲畱雲作伴凌  
空一任客垂綸閣中紫極祥光繞回首興懷君  
與親

春日海角亭紀咏

游名柱

蒼烟迷樹此中搖對岸孤城瘴氣驕  
野寺疎鐘潛梵語淺沙流水聽春潮  
海天一角酬靈地官邸多年在隔橋  
誰實重新還古蹟獨尊文宿坐  
層宵

遊三海巖

時七月七日

林長存

羅源人辛丑進士靈山令



豁盡群荒路宛然一肩藜杖掛秋烟擬尋漢水  
浮槎客却憶緱山跨鶴仙地湧鯨宮疑碣石天  
迴鰲海忽桑田靈源若果通勾漏金井丹砂可  
再傳

海角亭雅集

黎方潞

番禺舉人  
欽州學正

高閣臨浮渚雲霞在目前山光騰客座月色出  
天邊古碣餘秦篆清談仿晉賢百篇斗酒後薄  
暮起寒烟

登白龍城

時有採木造船  
運石修城之役

徐化民



帝心眷顧在岩疆甲冑森森不撤防籌遠正宜  
高雉堞安邊尤重益帆檣月明風露貂裘冷日  
暖龍蛇翠纛揚縱目遠觀天一色雲霞璀璨起  
祥光

和韻

田鍾雨

文武聯鑣到海疆旌旗奕奕壯邊防朔風衰草  
天涯客淡月寒煙塞外檣鼙鼓寂然鯨滅跡角  
弓開處氣逾揚登陴一望渾無際飄渺雲天接  
水光



長岐山坐月觀潮

胡

順

安慶人廩  
營參戎

停車獨坐海潮邊爲愛清輝別一天  
水盪月光開暈色月移水面掃寒烟  
山深虎嘯連笳聽露冷烏啼帶泪傳  
今夜不知何處宿小橋西去竹籬前

登雄鎮樓

游名柱

還珠古郡鬱如盤走馬衙前仔細看  
畫軸中分宜壯麗寒帷每出倚闌干  
休誇海角聞聲遠却羨天涯沛澤寬  
自是門高容駟馬不多函谷一



彈丸

海角亭觀潮

趙國斌

北直人廉營都司

浪拍橋疑動潮來水頓奢  
凍雲孤鴈度寒月老松遮  
凭檻吟新韻啣杯吸晚霞  
納禾喧野渡煙井萬千家

乾體觀潮

游名柱

城西十里柳營新大將星  
旗掃海塵編竹重圍皆壯  
士臨淵徒手半漁人三河  
义口誰能渡一帶平沙莫  
問津聞道樓船饒鼓靜潮  
來港內可



垂綸

登六峯觀

馬成龍

直隸人廉營守備

三花珠樹五雲間天際遙看獨鶴還  
玉局弘開雙鳳闕瑤宮高擁六鰲山  
窓前草色封珠網壁上苔紋繡虎斑  
憑吊不勝荊棘恨銅駝寥落掩重關

登白龍城

游名柱

漢後周前事不傳白龍重起在深淵  
平沉海濶全無地極目珠光盡是天  
百堞城圍新布置三



時民力曲周旋邊庭從此烽烟息銅柱勲名豈  
獨專

宿舊州真武廟

李起鴻

江西人廉營守備

一團茅屋貼輕煙倦馬長嘶古廟前淅瀝金風  
催白帝嵯峨銀闕聳青天鯨鐘吼處雲初度鶴  
夢迴時月正懸本是玉皇香案吏好將青境却  
塵緣

春王六日立春

林長存

條風送煖動飛葭薦縷盤堆青韭芽剪就新幡



飄玉蝶消餘殘雪拂金鴉時平喜共傳雞卜年  
老羞看插燕花堦度堯蓂剛六葉東皇搖指斗  
橫斜

初秋遊東山寺占韻  
游名柱

古刹烟消地已窮裝成一幅畫圖工夜深雲氣  
東山繞日暴潮痕滄海空不見老僧疑入定時  
看新月似彎弓朝來暮去鐘聲急多恐狂瀾起  
颶風

海角亭落成

李炳  
合浦岸生



廢興自昔却如環幸見亭成指日間丹閣凌空  
橫翠島平臺曲度繞長灣宛然天馬騰珠海從  
此文光映斗山舊蹟改觀非異任應知斯是孟  
公還

海角亭雅集

李 炳

海雲浮翠渚樂事竟無前花種瑤階畔鶴閒石  
几邊對樽舒雅憐作賦有名賢自訝渾無物疎  
狂落紙烟

王

瑜

山東人欽  
營守備